



Adresa: **Ul. H. Čemerlića 39A**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e-mail: [info@voda.ba](mailto:info@voda.ba)

Broj: **UP-1/21-3-40-355-7/24**

Datum: **03.09.2024. godine**

„Agencija za vodno područje rijeke Save“ Sarajevo rješavajući po zahtjevu investitora „ADO-TRANS“ d.o.o. Visoko za izdavanje vodne dozvole za aktivnost ispuštanje tehnoloških otpadnih voda sa prostora asfaltne baze sa pratećim objektima i sadržajima, izgrađene u naselju Očazi u Visokom, na osnovu člana 121. stav 3. Zakona o vodama („Službene novine Federacije BiH“, broj 70/06) i člana 67 stav (2) Zakona o upravnom postupku („Službene novine Federacije BiH“, broj 02/98, 48/99 i 61/22) d o n o s i

### ZAKLJUČAK

Odbacuje se zahtjev investitora „ADO-TRANS“ d.o.o. Visoko za izdavanje vodne dozvole za aktivnost ispuštanje tehnoloških otpadnih voda sa prostora asfaltne baze sa pratećim objektima i sadržajima, izgrađene u naselju Očazi u Visokom, zbog nepotpunosti dokumentacije i smatra se kao da nije ni podnesen.

### Obrazloženje

Na zahtjev Investitora „ADO-TRANS“ d.o.o. Visoko dana 16.07.2024. godine pokrenut je postupak za izdavanje vodne dozvole za aktivnost ispuštanje tehnoloških otpadnih voda sa prostora asfaltne baze sa pratećim objektima i sadržajima, izgrađene u naselju Očazi u Visokom.

Uz zahtjev je dostavljena slijedeća dokumentacija:

- Aktuelni izvod iz sudskog registra, broj: 043-0-RegZ-24-001915 od 14.06.2024. godine izdat od strane Općinskog suda u Zenici – ovjerena kopija,
- Upotrebna dozvola, Pogon za proizvodnju asfalta, izdata od strane „Expert“ d.o.o. Vitez, broj: 215-06/23-XII od 08.lipanj 2023. godine – kopija,
- Glavni projekat vanjskih hidroinstalacija urađen od strane „Perspektiva inženjering“ d.o.o. Visoko, broj: 75.AM.PER.VII/24, juli 2024. godine,
- Dokaz o uplaćenju federalnoj upravnoj pristojbi na zahtjev.

Nakon prijema i pregleda dostavljene dokumentacije Agencija se aktom broj: UP-1/21-3-40-355-2/24 od 17.07.2024. godine obratila investitoru sa zahtjevom da u skladu sa odredbama „Zakona o vodama („Službene novine Federacije BiH“, broj 70/06.), Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), Uredbe o uslovima ispuštanja otpadnih voda u okoliš i sisteme javne kanalizacije te u skladu sa zahtjevima iz rješenja o vodnoj dozvoli izdatoj od strane Agencije 2010. godine Agenciji dostavi slijedeće:

- Pismenu izjavu kojom se potvrđuje da li je na terenu izvršena izgradnja objekata i sadržaja (separatora ulja i masti sa koalescentnim filterom) u skladu sa zahtjevom iz rješenja o vodnoj dozvoli pod tačkom 3.2.
- Pismenu izjavu kojom se potvrđuje da li je na prostoru asfaltne baze izvršena rekonstrukcija manipulativnih površina-saobraćajnica, a sve u skladu sa uslovima iz tačke 3.3.
- Pismenu izjavu kojom se potvrđuje da je izgrađeno monitoring okno i da li je vršen monitoring tj. ispitivanje kvantitativnih i kvalitativnih karakteristika efluenta, a što je i bio uslov iz tačaka 3.4. i 3.5. predmetnog rješenja o vodnoj dozvoli.

Obzirom da investitor ne posjeduje projektnu dokumentaciju bilo je neophodno da urade projektnu dokumentaciju izvedenog stanja - hidro faze, nivoa glavnog projekta, za vanjsko uređenje, prikupljanje, tretman i odvodnju onečišćenih oborinskih voda i otpadnih voda koje nastaju na predmetnom lokalitetu.

Projektna dokumentacija treba biti urađena od strane pravnih lica koja imaju ovlaštenje (lista „A“) pribavljeno od strane Federalnog ministarstva poljoprivrede, vodoprivrede i šumarstva.

Projektna dokumentacija mora biti urađena u skladu sa uslovima iz Rješenja o vodnoj dozvoli broj: UP-I/25-3-40-117-4/10 od 12.04.2010. godine.

U projektnoj dokumentaciji neophodno je dati opis sistema za prikupljanje, transport i tretman zamuljenih i zauljenih voda, mjesto tretmana (separator ulja i masti i/ili taložnik-ci, sistem recirkulacije), osnovne karakteristike ugrađenog/ih uređaja za tretman, mjesto vršenja monitoringa prečišćenih voda te mjesto ispusta tj. recipijent. Sastavni dio projektne dokumentacije je i pregledna situacija sa ucrtanim objektima i naznačenoj udaljenosti istih od vodotoka.

Projektant je u obavezi da sagleda kompletan prostor sa svim sadržajima sa pratećim objektima te da jasan pregled načina tretmana voda te mjesto ispuštanja tretiranih voda.

Investiciono-tehnička dokumentacija treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20, 63/22) koja su bitna za konkretan slučaj.

Krajnji rok za dostavljanje tražene dokumentacije bio je 02.08.2024. godine.

Uz akt broj 477/24 od 01.08.2024. godine pravno lice je dostavilo:

- Izjavu kojom pod punom materijalnom i krivičnom odgovornošću potvrđuju da je na terenu izgrađen separator ulja i masti sa koalescentnim filterom, u skladu sa zahtjevom iz rješenja o vodnoj dozvoli pod tačkom 3.2.,

- Izjavu kojom pod punom materijalnom i krivičnom odgovornošću potvrđuju da je na prostoru asfaltna baza izvršena rekonstrukcija manipulativnih površina-saobraćajnica, u skladu sa zahtjevom iz rješenja o vodnoj dozvoli pod tačkom 3.3.,

- Izjavu kojom pod punom materijalnom i krivičnom odgovornošću potvrđuju da je izgrađeno monitoring okno i da je vršen monitoring tj. ispitivanje i kvantitativnih i kvalitativnih karakteristika efluenta, a što je bio uslov iz tačaka 3.4 i 3.5. predmetnog rješenja o vodnoj dozvoli i

- Glavni projekat vanjskih hidroinstalacija urađen od strane „Perspektiva inženjering“ d.o.o. Visoko, broj: 75.AM.PER.VII/24, juli 2024. godine.

Uvidom u sadržaj dostavljene dokumentacije Agencija se pravnom licu aktom broj: UP-1/21-3-40-355-4/24 od 07.08.2024. godine obratila sa zahtjevom za:

- Izjašnjenje kojim potvrđuju za koje objekte i sadržaje (precizirati) podnose zahtjev za izdavanje predmetnog rješenja o vodnoj dozvoli. Obzirom da su objekti (asfaltna baza, administrativni objekti, automehanička radnja, skladišta bitumena, benzinska pumpna stanica i dr.) izgrađeni na terenu neophodno je da za predmetne objekte i aktivnosti dostave: urbanističku saglasnost, okolinsku dozvolu, građevinsku dozvolu i upotrebnu dozvolu - sve izdato od strane nadležnih organa. Ukoliko ne posjeduju dokumente: urbanističku saglasnost, građevinsku dozvolu, upotrebnu dozvolu, okolinsku dozvolu tada je potrebno da odustanu od ovog zahtjeva i da podnesete zahtjev za izdavanje Rješenja o prethodnoj vodnoj saglasnosti. U toj konstalaciji, nakon odustajanja Agencija će izdati Zaključak o obustavljanju postupka.

Nakon odustajanja od ovog zahtjeva neophodno je da Agenciji podnesu zahtjev za izdavanje rješenja o prethodnoj vodnoj saglasnosti u svrhu izrade dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta - pogona (precizirati za koje objekte i aktivnosti podnosite zahtjev).

Neophodno je da za vođenje upravnog postupka, a u skladu sa članom 3. i članom 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) dostaviti:

1. Zemljišnoknjižni izvadak (izdaje nadležni zemljišno-knjižni ured Općinskog suda), ovjerenu kopiju ili original.
2. Kopiju katastarskog plana izdatu od strane nadležnog općinskog/gradskog tijela uprave sa upisanim podacima o nekretnini, posjedniku i dr., ovjerenu kopiju ili original.
3. Mišljenje o usklađenosti planiranih aktivnosti sa dokumentima prostornog uređenja, izdato od strane organa uprave nadležnog za prostorno planiranje, sa posebnim osvrtom na položaj objekta u odnosu na vodotok – rijeku Bosnu.
4. Rješenje o registraciji i identifikacioni broj, ovjerene kopije.

5. Studija koja se dostavlja uz zahtjev treba biti urađena od strane pravnog lica koje ima ovlaštenje (sa liste „A“) pribavljeno od strane Federalnog ministarstva poljoprivrede, vodoprivrede i šumarstva, a shodno članu 4. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj: 31/15 i 55/19, 41/20, 63/22). Projektant je u obavezi da sagleda kompletan prostor sa svim saržajima sa pratećim objektima te da jasan pregled načina tretmana voda te mjesto ispuštanja tretiranih voda. Investiciono-tehnička dokumentacija treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20, 63/22) koja su bitna za konkretan slučaj.
6. Pregledna situacija terena predmetne lokacije sa ucrtanim objektima i naznačenom udaljenosti iste od površinskih voda.
7. Punomoć zastupnika podnosioca zahtjeva sa e-mail adresom i kontakt telefonom.
8. Pored navedenog dostavite nam popunjen Obrazac zahtjeva za izdavanje Rješenja o prethodnoj vodnoj saglasnosti koji možete naći na našoj stranici [www.voda.ba](http://www.voda.ba). Na Obrascu se nalazi i uputstvo o načinu plaćanja upravne pristojbe.

Krajnji rok za dostavljanje traženog izjašnjenja bio je 20.08.2024. godine.  
Dana 29.08.2024. godine u prostorijama Agencije sa početkom u 12,00 sati obavljen je sastanak sa predstavnikom pravnog lica u vezi tražena dopune podneska, a u postupku izdavanja rješenja o vodnoj dozvoli. Generalno dogovoreno je da će pravno lice odustati od zahtjeva za izdavanje rješenja o vodnoj dozvoli, te da će podnijeti novi zahtjev za izdavanje rješenja o prethodnoj vodnoj saglasnosti samo za asfaltnu bazu i za administrativno-kancelarijski prostor.  
Kako podnosilac zahtjeva nije dopunio podnesak u ostavljenom roku, kao ni do dana donošenja ovog Zaključka, te kako nije dostavio pismeno odustajanje od podnesenog zahtjeva za izdavanje rješenja o vodnoj dozvoli to je u skladu sa članom 121. stav 3. Zakona o vodama („Službene novine Federacije BiH“, broj 70/06) člana 67. stav (2) Zakona o upravnom postupku, riješeno kao u dispozitivu ovog zaključka.

#### **Uputa o pravnom lijeku:**

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.  
Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.  
Obrađivač akta:

mr.sc. Selma Merdan, dipl.inž.geol.

Prilog: Tehnička dokumentacija iz obrazloženja rješenja

Po ovlaštenju  
Rukovodilac sektora za izdavanje vodnih akata  
  
Nihad Pezo, dipl.inž.grad.

Dostaviti:

- „ADO-TRANS“ d.o.o.
- Poslovna zona Ozrakovići bb, 71300 Visoko, (kao u prilogu),
- ⊗ AVP Sava, ISV – Vodna knjiga,
- Org.jed. 40 – Arhiva,
- AVP Sava – Oglasna ploča